

## Letsatsi la Morena



### SABATHA MANTSIBOEA

#### Bakeng sa Thuto ea Beke ena, bala:

2 Pet. 3:1, 2; John 21:15–17; 2 Pet. 3:3–13; Pes. 90:4; Matt. 24:43–51; 2 Pet. 3:14–18.

#### Temana ea Khopolo:

“Joale, ha e le moo ntho tseo tsohle, li abetsoe ho felisoa, eka khona le be batho ba matla ha kakang liketsong tse halalelang tsa borapeli” (2 Petrose 3:11).

**L**ilemong tse fetileng batho ba neng ba sa lumele ho Molimo ba ne ba bonoa ba sa tšepahale, le hoba kotsi haholo. Hobaneng? Lebaka le ne le le bonolo: Haeba ba ne ba sa lumele ho Molimo, ka hoo ba ne ba sa lumele kahlolong e tlang eo ba lokelang ho ea ikarabella ka pele ho eena bakeng sa liketso tsa bona. Ntle le taba ena, batho ba ne ba tla ba le tloaelo e kholo ea ho etsa hampe. Leha khopolo eo e bonahala e siuloe ke nako (‘me “e sa nepahala”) kajeno, o ke ke oa latola ho utloahala le ho etsa kelello ka mora eona. E, batho ba bangata ha ba hloke tšabo ea ka moso ea kahlolo e le hore ba etse hantle. Empa ka nako e tsoanang, taba ho ikarabella kapele ho Molimo e ka ’na ea khothaletsa boitšoarō bo nepahetseng. Joalo ka ha re bone, Petrose o ne a sa tšabe ho hlokomeliso ka kahlolo eo ka bomalimabe baetsalibe ba tla tobana le eona ka pela sefahleho sa Molimo, hobane Bibeletse e hlakile hore kahlolo e joalo e tla tla. Boemong bona, Petrose o bua ho hlaka ka qetello ea matsatsi, kahlolo, ho tla labobeli ha Jesu, le nako eo “metheo ea lintho e tla felisoa le ho cha” (2 Pet. 3:10). Petrose o ne a tseba hore bohle re baetsalibe, ’me ka hona, ka taba e joalo ka pele ho rōna, oa botsa: “E ka khona le be batho ba matla hakakang liketsong tse halalelang tsa borapeli?” (2 Pet. 3:11).

*\*Bala thutoea beke ena ho lokisetsa Sabatha, 17 Phuptjane.*

## Sekala sa Matla

Petrose o hlokomelisitse babali ba hae ka mofuta oa lithuto tse kotsi tseo kereke e tla tobana le tsona. A eletsa ka bao, leha ba tšepisa bolokolohi, ba tla isa bathong botlamuoeng ba sebe, e leng se khahlanong le bolokolohi boo re tšepisoeng ho Krete. Ka bomalimabe, ena e ne e se eona feela thuto e fosahetseng e tobileng kereke. E ’ngoe e kotsi e tla latela. Leha ho le joalo, pele Petrose a kena tlhokomelisong ena, o bua tab’e ’ngoe pele. “Baratuo, e se e le lengolo la bobeli leo ke le ngollang lona; ’me ka ’ona a mabeli ke ntse ke re, kea le hopotsa hore ke tsose naikutlo a lōna a hloekileng; le tle le hopole litaba tse boletsoeng pele ke baporofeta ba halalelang, le molao oa Morena ’Moloki, oo e o beetsoeng ka baapostola ba lōna” (2 Pet. 3:1, 2).

**Ke ntlha efe eo Petrose a e etsang mo ka hore na ke hobaneng babali ba hae ba lokela ho mamela seo a se ngolang? Sheba hape Johanne 21:15–17.**

---



---



---

Ho 2 Petrose 3:1, 2, Petrose o ba hopotsa mantsoe a susumelisoeng a tšileng pele ka “baporofeta ba halalelang.” Ka hona, o ne a ba supa hape ho khutlela Bibeleng, Testamenteng ea Khale. O ne a ba hopotsa hore ba na le “litaba tsa boporofeta, tse tiisitsoeng ka ho fetisisa” (2 Pet. 1:19). O ne a batla ho hlaka hore bolumeli ba bona bo theiloe lentsoeng la Molimo. Ha ho letho Testamenteng e Ncha le pakahatsang khopolo ea hore Testamente ea Khale ha e sa sebetsa kappa ha e sa na thuso. Khlahlanong le hoo, ke bopaki ba Testamente ea Khalke bo re thusang ho theha ho tiea ha e Ncha le litaba tseo Petrose a li bolelang ka Jesu. Empa hona le ho hongata. Petrose o tiisa ka ho hlaka ho tsoa “baporofeta ba halalelang” ba Testamente ea Khale ho tla ho matla a hae e le e mong oa “baapostola ba Morena le ’Moloki.” O ne a hlaketsoe ka pitso eo a e amohetseng ho tsoa ho Morena ho etsa seo a se etsang. Ha ho makatse hore e be buile ka ho tiea le kholiseho e kaalo. O ne a tseba mohloli oa moaletsa oa hae.

**Hobaneng lentsoe la Molimo, e seng moetlo kapa kahlolo ea rōna kapa ho beha mabaka, e lokela ho ba sehlohlo sa matla maphelong a rōna? (Ha e le hantle, hobaneng hape re ka boloka Sabatha ea letsatsi la bosupa ntle le lentsoe la Molimo?)**

---

## Basomi

Ka mora ho batla ho etsa babali ba hae hore ba “hopole litaba tse boletsoeng pele ke baporofeta ba halalelang, le molao oa Morena ’Moloki, oo le beetsoeg ke baapostola ba lōna” (2 Pet. 3:2), Petrose o kena tlhokomelisong ea hae. Mohlomong, ka ho tseba hore na kotsi ea thuto eo e tla efe, a batla ho bontša hore na o ngola ka matla a afe.

### **Bala 2 Petrose 3:3, 4. Ke likhang life tseo basomi ba ho khutla labobeli ha Kreste batla li etsa?**

Ho na le ho tšoana ho bohlokoa lipakeng tsa bao ba phahamisang tokoloho e fosahetseng le bao ba somang ho khutla labobeli. Sehlopha sa pele se tsamaea le ho “huleloa ke nama litakatšong tse litšila” (2 Pet. 2:10); ka nako eo, bao ba latolang ho khutla ha Kreste e ne e le bao “ba tla tsamaea ka litakatso tsa bona,” (2 Pet. 3:3). (Ha se taba ea tšohanyetso hore e be litakatso tse litšila li ka isa lithutong tse fosahetseng, na haho joalo?) Basomi, a hlokomelisa, ba tla botsa lipotso tse se nang ka hlohong, “E kae pallo ea ho khutla ha hae?” (2 Pet. 3:4). Ka ho etsa joalo, ba tla qholotsa tumelo e sa le e eme ea Bokreste ea hore Jesu o tla khutlela lefatšeng lena, ’me haufi. Ha ntle-ntle, haholo hobane o bua ka matsatsi a ho qetela, basomi bana ba tla tlisa taba tseo ho seng bonolo ho li latola hore Bakreste ba bangata ba se ba shoele, ’me lintho li ntse li itsoella pele joalo ka ha e sale li hloloa.

Ka holimo feela, ke potso e se nang kelello. Le Henoke ea halalelang, Ellen G. White o ile a ngola, o ile a bona hore ba lokileng le ba khopo “ba tla ea leroleng hammoho, ’me sena e tla ba qetello ea bona” (Patriarchs and Prophets, p. 85), ’me o ne a khathalitsoe ke seo. Haeba Henoke, ea phetseng pele moroallo oa metsi, o ile a khathatsoa ke potso ee, ke ha kakang bao ba phelang nako ea lilemo tse likete ka morao ho moo, le ho isa “matsatsing a ho qetela”? Ho thoeng ka rōna kajeno, re le Masala a Baleti? Lona lebitso la rōna le qholotsa taba ea ho khutla la bobeli ha Kreste. Empa, o ntse a so tle. ’Me ee, re tobane le basomi, joalo ka ha Petrose a boletse hore ho tla etsahala.

**Ka maiphehlelo a tumelo ea hao, ke joang o sebetsanang le taba ea hore Kreste ha a so khutle le joale? Tlisa karabo ea hao ka sehlopheng ka Sabatha.**

## Lemo tse Sekete joalo ka Letsatsi

**Ho 2 Petrose 3:8–10, ke joang Petrose a arabelang khang eo basomi ba e tlišang? O re ke eng eo le joale e ka re thusang ho utloisisa hore na hobaneng Krešte a so tle le joale?**

---



---



---



---



---

Petrose o arabela taba ea lefatše le sa fetoheng. O hootsa ba mameli ba hae hore ha se 'nete hore lefatše e sa le tsoela pele le sa fetohle ho tloha e sa le botjoa. (Hlokomela hore Petrose o khutlela hona lentsoeng la Molimo e le mohloli le matla.) Ho ne ho na le nako ea bokhopo bo boholo, boo ka mora bona Molimo a ileng a felisa lefatše leo ka moroallo (2 Pet. 3:6). 'Me ruri, moroallo o ile oa tliša phetoho e kholo lefatšeng, e ntseng e le teng le kajeno. Petrose o re pheliso e latelang e tšaba ka mollo, e seng metsi (2 Pet. 3:10).

Petrose hape o ile a ngola, “Letsatsi le le leng pel’a Morena le joalo ka mengoaha e sekete, le ho ba mengoaha e sekete e joalo ka letsatsi le le leng” (2 Pet. 3:8). Ka ho bolela sena, Petrose e ka 'na eaba o ne a qotsa mantsoe a Pesaleme 90:4: “Hobane lilemo tse sekete mahlong a hao li joalo ka tsatsi la maobane, ha le se le fetile, le joalo ka tebelo ea bosiu.” Ka mantsoe a mang, mokhoa oo re nkang nako ka oona ha o tšoane le oa Molimo; joale, re lokela ho hlokolosi ka taba ea nako.

Ka ihlo la botho, ho bonahala tieho e le teng ho khutleng ha Krešte. Empa re sheba lintho ka pono ea botho feela. Ka chebo ea Molimo ha ho tieho. Hantle-ntle, Petrose o re nako e eketsehileng re e filoe hoba Molimo a bontša mamello ea hae. H’a lakatse hore e mong a ka timela (2 Pet. 3:9). Nako e ekelitsoeng joale, e fanoe e le monyetla ho ba bangata hore ba bake. Empa, ho khalema Petrose, Mamello ea Molimo e se ke ea nkoa e le monyetla oa ho chechisa qeto ka Jesu. Letsatsi la Morena le tla tla joalo ka lesholu la bosiu. Lesholu le tlang bosiu mohlomong le lebelletse hore le tla pata mohoasa le sa hlokomeloe. Empa joalo ka ha letsatsi la Morena le tla tla joalo ka lesholu, le tla bonoa. Joalo ka ha Petrose a bolela, “‘Me ka lona maholimo a tla feta ka lerata le tšabehang, 'me methoe ea lintho e tla felisoa ke ho cha” (2 Pet. 3:10). Ka hona, molaetsa oa Petrose o joalo ka oa Paulose: “Ke utloile nakong e tšoanelang; 'me ke u thusitse ka letsatsi la pholoho” (2 Ba-Kor. 6:2).

## Joale?

Mohlankana e mong o ile a leka ho pakela 'me oa hae. A mo bolella ka lefu la Jesu le tšepiso ea ho khutla ha hae. O ne a itšepile bo eena, a nahana hore o entse mosebetsi o babatsehlang. Ha a qeta thero ea hae e khutšoanyane ka Jesu leho khutla labobeli, 'me oa hae a mo talima ea ba o re: “Joale seo se nkama joang joale?”

**Bala 2 Petrose 3:11–13. Ke joang Petrose a arabelang potso eo, “Joale seo se nkama joang joale?” Sheba Matt. 24:43–51.**

---



---



---

Joalo ka ha re boletse, lona lebitso la rōna Seventh-day Adventist le senola bolumeli ba rōna tabeng ea bonnete ba ho khutla ha Jesu. Thuto ke motheo; tumelo ea rōna ea Bokreste e tla ba lefeela ntle le ho khutla ha Krete le tsohle tseo e tšepisang. Empa na ha re kotsing ea ho ba joalo ka mohlanka ea sa lokang setšoantšong sa Mattheu 24:43–51? Re ka 'na ra se ke ra etsa libe tse tšoanang le tse boleloang setšoantšong, empa eo ha se oena taba (etsoe koana ke setšoantšā). Hoena le hoo, seo setšoantšō sena se se hlokomelising ke hore ho ka ba bobebe ho theola maemo a rōna, haholo hore na re tšoara ba bang joang, le ho ba joalo ka lefatše le ho lahla cheseho ea bolumeli ba rōna ho khutleng ha Morena.

Ka 'nete, joale le ka nako eo, re ntse re tobane le bao, ka letoto le ka lipalopalo tsa bona, ba bolelang ba na le letsatsi la ho tla ha Krete. Empa bakeng sa karolo e kholo kotsi ea ho tobana le Masala a Baleti (Seventh-day Adventists) ha se hore ba beha nako ea ho tla ha Krete. Empa kotsi ke ho re ha lilemo li ntse li feta, tšepiso ea ho khutla labobeli e qala ho fokola mehopolong ea rōna. E, nako re e qetang re le mona, ke ha ho ntse ho atamela ho tla labobeli. Ka lehlakoreng le leng, nako eo re e qetang re le mona, ho bonolo ho nahana ho khutla ha hae e le ntho e hole mane hoo e sa fetoleng maphelo a rōna a letsatsi ka leng. Mangolo a hlokomelisa ka mokhoa ona oa khotsofalo. Joalo ka ha Petrose a bolela, haeba Jesu a lokela ho khutla, 'me rōna re lokela ho tobana le kahlolo, Bakreste ba lokela ho phela bophelo ba khalalelo le borapeli (2 Pet. 3:11). Ho tiea ha ho tla labobeli, nako efe kapa efe ha ho etsahala, e lokela ho ama mokhoa oo re phelang ka oona.

**Ke ha kae bonnete ba ho khutla labobeli bo amang bophelo ba hao ba letsatsi ka leng le mehopolong? Karabo ea hao e re'ng, ka bophelo ba hao le tumelo?**

## Boipiletso ba ho Qetela

Petrose o qetella epistole ea hae ka sehloho seo e sa leng se utloahala ho tloha qalong: ho phela maphelo a halalelang le ho ba hlokolosi ho ka isoa tahlehong ke “thetso ea ba khopo” (2 Pet. 3:17).

**Bala 2 Petrose 3:14–18. Petrose o ipiletsa ho bo mang, 'me tlhokomeliso ke efe boipiletsong ba hae?**

---



---



---

Ho thahasellisa hakakang hore ebe Petrose o qetella epistole ea hae ka boipiletso ba lingoliloeng tsa “Paulose, ngoan’abo rōna ea ratoang” (2 Pet. 3:15). Paulose o ne a ngotse ka tlhokahalo ea ho ka khotso ha ho ntse ho emetsoe ho khutla la bobeli ha Jesu, le ho sebelisa nako eo ho phela khalalelo (sheba Ba-Roma 2:4, Ba-Roma 12:18, Ba-Fil. 2:12). Hape hlokomela tsela eo Petrose a supang lingoliloeng tsa Paulose e bontša hore lingoliloeng tsa Paulose li ne li le bohlokoa haholo nalaneng ea kereke ea pele. Ekaba Petrose o supa pokello eohle ea mangolo a Paulose ao ha joale a fumanoang Testamenteng e ncha, kapa karoloana feela ea oona, ha re tsebe. Leha hole joalo, ho tšoaela ha Petrose ho bontša hore mangolo a hae a ne a nkeloa holimo. Qetellong, Petrose o tšoaela ka hore mangolo a Paulose a ka sothoa, joalo ka mangolo a mang. Lentsoe la se-Gerike grapha le bolela “lingoloa,” empa boemong bona le bolela ka ho hlaka “lingoloa tse halalelang,” joalo ka libuka tsa Moshe le baporofeta. Mona e sa le pele ke bopaki ba hore lingoloa tsa Paulose li ne li se li na le matla, matla a joalo ka Bibehe ea se-Heberu. 'Me ha u sheba seo re se balileng pejana ka baruti ba bohata ba tšepisang tokoloho, ha ho thata ho nahana ka batho ba sebelisang mangolo a Paulose ka tokoloho le mohau e le boitšireletso ba boitšoaro ba sebe. Paulose ka matla o ile a tiisa taba eaba ea ho lokafatsoa ka tumelo feela (Ba-Roma 3:21, 22), empa ha ho letho mangolong a hae le fang batho tumello ea sebe (sheba Ba-Roma 6:1–14). Paulose ka bo eena o ne a lokela ho sebetsana le phoso ena malebana le seo a neng a se ruta ka ho lokafatsoa ka tumelo. Empa, Petrose oa hlokomelisa, bao ba sothang mangolo a hae ba etsa joalo le ho ipheha kotsing ea ho “khopamisetsang tahleho ea bona” (2 Pet. 3:16).

**Ke liqeto life tseo u ka li etsang hajoale tse ka u thusang ho phela mofuta oa bophelo oo re bilelitsong ho o phela ho Krete Jesu?**

## Ho Ithuta Haholoanyane:

Ka chebo ea rōna, ho ka bonahala e ka ho khutla labobeli ho liehile haholo. Jesu hantle o ne a tseba hore re tla ikutloa ka tsela ena, 'me litšoantšong tse ling o ile a hlokomelisa khahlanong le se ka etsahalang haeba re sa lebele nakong ena. Nka setšoantšo sa bahlanka ba babeli ho Mattheu 24:45–51, (e boletsoeng thutong ea Laboraro). Bobeli ba ne ba lebeletse mong'a bona ho khutla. Empa ba ile ba fihlela liqeto tse peli tse sa tšoaneng ka ho khutla ha hae. E mong o ile a etsa qeto ea ho ba malala-a-laotsoe bakeng sa mong'a hae hore a ka khutla neng kapa neng. E mong eena a re mong'a hae o liehile, 'me a nka e le monyetla oa ho itšoara hamphe. "Ka ha ha re tsebe nako hantle ea ho khutla ha hae, re laeloa ho lebeli. 'Ho lehlohonolo bahlanka bao, morena ha a fihla, a tla ba fumana ba falimehile.' Luka 12:37. Bao ba lebeletseng ho khutla ha Morena ha mo letele bas a etse letho. Tebello ea ho tla ha Krete ke ho etsa hore batho ba tšabe Morena, le ho tšaba likahlolo tsa hae holima ba tloang molao. Ke ho ba tsosa sebeng se sehola sa ho hana mpho ea mohau oa hae. Bao ba lebeletseng Morena ba hloekisa meea ea bona ka kutlo 'neteng.'"—Ellen G. White, *The Desire of Ages*, p. 634.

## Lipotso tsa ho Qoqoa:

1. Ka sehlopheng, buisanang ka karabo ea hao ea potso ea Mantaha ka ho khutla labobeli. Ke litsela life tseo re sebetsanang le taba ea hore Krete ha a so khutle le joale? Re ka ithuta eng ho tsoa likarabong tsa rōna?
2. Lithuto life, litloaelo, le litumelo tseo re li tšereng re le Masala a Baleti (Seventh-day Adventists) tse sa tsoeng moetlong kapa ho beheng mabaka kapa litlaelong empa e le ho tsoa lentsoeng la Molimo feela?
3. Joalo ka re bone boleleng ba beke, Petrose o hokahantse litakatso le mekhoha ea sebe le lithuto tse fosahetseng. Thuto e ne e na le polelo ena: "Ha se tšohanyetso hore e be litakatso tsa sebe li isa lithutong tse khelohileng, na ha ho jaolo?" Hobaneng e se tšohanyetso? Ke khokahano life lipakeng tsa tsona bobeli?
4. Albert Einstein o beile ka pele ho lefatše khopolo e makatsang ea hore nako ha se ntho e tsitsitseng. Ke hore, ho ipapisitse le hore na u ho kae le hore na tsamaea ka lebelo le le kae, nako ea hao e tla fapana le ea motho e mong ea sebakeng se seng. Taba ke hore, nako ke ntho e makatsang, 'me e sebetsa ka tsela tseo re sa li utloisiseng. Ke joang khopolo ee e ka re thusang ho hlokomela hore nako ho Molimo ha e tšoane le ea rōna, haholo boemong bah ore Krete ha a so khutle?

